

續
文
獻
通
考

續文獻通考卷之十一

皇明進士雲間王圻纂輯

田賦考 河渠上

順天府

大通河

舊名通惠水自玉河出繞都城東南經大通橋流至高麗莊入白河

盧溝河

亦曰小黃河西南本桑乾河又名潔河俗呼渾河

桑乾山經太行山入宛平縣境出盧溝橋下東南至看丹口分為二派其一一流至通州高麗莊入白河其

一南經固安至武清縣小直沽與南河合流入于海

黃花鎮川

河源自塞外流入黃花鎮川口經昌平至懷柔入白河

白河

自密雲南至牛欄山與潮河合流至通州入直沽一名白途河

潮河

在寶坻縣東一名白龍港源自梨河洶河鮑丘河至寶坻三义口合流為潮河入于海又密雲縣東

順南有湖河下流至

沙河

在霸州城南與塘河合至入海處呼為飛魚口又

州西北流經縣東南入于海

巨馬河

源白盧溝河流經霸州治東合界河今徙治南會霸水河至直沽入于海

玉帶河

在寶定縣北東流入會通河

磁河

源自安州聚九河之水至雄縣為瓦濟河至寶定縣為磁河入直沽

沽水

一名西路水一名東路水水源經自塞外丹花嶺合九泉水南經安樂故城西南與螺山之水合為

西路河又南經孤奴故城西與鮑丘水合為東路河

三角淀

在武清縣南周廻二百餘里或云即古之雍奴水經云雍奴者數澤之名四面有水曰雍不流

曰奴其源自范甕口王家陀河掘河越淨河劉運口河魚兒里河諸水所聚東會又沽港入于海

直沽

在武清縣東南衛河白河丁字沽合流于此入于海

順德府

濁漳河

在平鄉縣南十里源出山西潞州發鳩山流徑平鄉至南和門出貢之漳水也俗又名柳河王

公奏言漳水一石其泥數斗古人以為利源募民復

澧河

在任縣東一十五里上接南和縣下流入真定府

故道沒民田千餘頃若開修成河即可耕種

廣阿澤

在鉅鹿縣北五里一名大陸一名鉅鹿一名大麓中有菱蓮魚蟹之類又有鹹泉可煮為鹽

廣平府

洺河

在廣平府城北三十五里源出遼州太行山流經武安縣東北入永年縣北境至雞澤縣與沙河合

沙河

在府城北五十里上從沙河縣界與洺河合

永濟渠

在清河縣西北一十里引清漳水入界舊名永濟渠隋煬帝征遼時改曰永濟俗名御河

大名府

漳河

在魏縣西北有舊漳新漳二河流至府城西北宋時

入漳河漕運

御河

自魏縣界流經元城縣泉源鄉東

沙河

自府城西南引漳河入城灌御河復西北出城灌

相近

衛河

源自衛輝府輝縣經本府潞內黃二縣

滑河

在滑縣境河經北而東滑最

淇水

有臨河廢縣東南五里源出林慮山中綿

黎水

衛城為黎水合流至黎陽

濮水

在開州東南六十

湯水

在內黃縣水經云湯水又東北至于內黃即此

長豐泊

在潞縣西二十里地里志天下水名泊者二曰梁山泊曰長豐泊今為牧馬地然有水不得用

永平府

海

府城南一百六十里東連遼東西抵直沽

漆河

府城西門外源自口北入桃林口南流至遷安縣為青龍河東流為漆河與灤河合入于海

灤河

源自口北開平東南流經遷安縣界至盧龍縣合漆河又南至樂亭縣入于海

陽河

撫寧縣東入里源出口北列坨山流經縣東南入海

渝河

撫寧縣東二十里源出圭端州南流至蓮峯山入海

沂河

蘇州西二十里南流入海

安流河

樂亭縣西北為蘇河下流至岳婆港分為二東曰胡盧西曰定流各入海

清水河

樂亭縣西源出馬城北蔡家庄已塞洪武中濬其故道置閘諸水以通海運自是入于灤河以

達于海

延慶州

澗河

源自八達嶺西南山下經青龍橋入居庸關達昌平縣界

保安州

桑乾河

州城西南四十里自渾源州流至州境土田賴以灌溉與溫河洋河合流東南入死平縣界為

盧溝河

龍池

砦山城二里水自地湧出澄澈可鑑瀦而為池溉田甚廣

萬全都指揮使司

愛陽河

炭山西北二十里本放牧之地深可尺餘下有積水黑色者數尺水上有浮草性涼尤宜牧馬

金蓮川

雲州堡東北一百里金世宗納涼之地產黃花若芙蓉

順聖川

宣府城西南一百里延袤二百餘里多美芻本朝牧馬于此

九龍池

永樂間龍馬出于此在
宜府城東九十餘里

保定府

梁河

府城東三十里源自唐河
分城東過安州入于海

龍泉河

慶都縣北源出縣西龍泉
而為河東流經田三百餘頃

徐河

又發源五迴嶺流經滿城縣北
又流經清苑縣北十五里名徐河入安州境

紫泉河

新縣縣東北源自縣西
北龍堂上有泉湧出

拒馬河

源出山西代郡涑山流經涑水縣北又東南至
定興縣治西與五里白河合晉劉琨守此以

拒石

勒故名又東至新城縣界一名
白溝河又東注霸州合直沽達于海

白溝河

新縣縣南三十五里拒馬
河下流宋與遼分界之處

白澗河

易州城南三十里一名易水修治可灌金臺
帶水田源出西山流經縣界東入大溝

唐河

唐縣西三十里源自山西大同靈丘縣南經飛狐
口過倒馬關至縣境東南入祁州與沙河合流可

灌中山
一帶

潯沱河

東鹿縣南三十里來自晉州經縣境達深州至直沽入于海

雄河

雄縣南三里源自安州流經本縣東合易水達直沽入于海

易水

安州城北自府境曹河徐河石橋河一畝泉河滋河沙河鴉兒河唐河諸水至此合流為易水又至

雄縣

南為瓦濟河過直沽入于海燕太子丹使荆軻刺秦王送至易水

濡水

源出窮獨山東南流至易州支分入城近東方四里許淵而不流號聖女水漢名曲逆章帝改曰蒲

陰

雷溪

易州城西南發源五迴嶺即徐河上流離石湍急峯間數里

五龍池

易州城西北燕昭王引山泉注池栽蓮建亭其上

河間府

海鹽

山縣東七十里其鹵可煮為鹽

滹沱河獻縣南源出大鼓山自代郡鹵城縣東流經三合縣真定南關本縣城南至青縣合衛河達于

海刺史楊真改爲清寧河即蕭王麥飯處水合復解因名危渡

獨流河與濟縣北至靜海縣四十五里宋置獨流北獨流東二寨

衛河景州城東二十里流出衛輝流經故城吳橋東光縣境下至滄州西流入青縣界又東北百九十里

入海亦名御河

浮河滄州南十里自東光縣南界永濟渠分出東北流經州境又東北入海漢於此置縣以在浮水之陽

故名浮陽

真定府

衛河靈壽縣東北十里俗呼雷溝河禹貢衛水出常山郡靈壽縣入滹沱卽此

漳河冀州西北三十五里源發山西界東南流經寧晉縣過州境及武邑縣達滹沱河

夾河武邑縣北三十里自清漳河分流至衡水縣界流經縣境入滹沱河

恒水

山恒山北谷禹貢恒水西
南流至真定府行唐縣

澧水

隆平縣東十里源自漳河
分流經縣界與沙河水合

沛水

高邑縣治南一名白溝水源發
贊皇山流經縣界至寧晉縣

泚水

臨城縣西北二十五里源發元氏縣經
高邑樂城達寧晉韓信斬成安君于此

黑水

定州界池深而南流
經元氏縣抵寧晉

大鳴泉

府城西二十里又有韓家曹馬口
等泉凡四十餘穴溉田百餘頃

澧水渠

隆平縣城下唐儀鳳中易
慶令李玄開以溉田通漕

應天府

楊子江

自都城之西南經西北過鎮
江東流之海凡二百餘里

中江

在溧陽縣西北即禹貢之三
今名永陽江下流入宜興縣界

玄武湖

在太平門外周圍四十里今橋後
湖湖中有洲洲上為庫以貯圖籍

穩船湖 在佛寧門外洪武初新開通江水於此泊舟以避風濤

婁湖 府東南十五里吳張昭創以溉田

半湯湖 府東北四十里水同一壑而冷熱相半民引熱水溉田一歲再熟

絳巖湖 句容縣西南三十里一名赤山湖源出絳巖山下通秦淮唐王昕于此湖立二斗門溉田萬頃

長蕩湖 在溧陽縣北五十三里接金壇宜興縣界周處章昭顯道元皆以為五湖之一中有浮山東連

澤震

胭脂湖 溧水縣西北通大江南洪武中蹕導西北通大江南洪武中蹕

沙湖 溧水縣南六十五里周興五十畝今開墾塘

石臼湖 高淳縣西南三十里西連丹陽湖水注大江

丹陽湖 高淳縣西北三十里周興幾二百里中流與當塗分界

固城湖 高淳縣南三里有水四派中流與寧國府接界東經宜興流入太湖後廣通鎮填水獨注大江

縣多
湮沒

靖安河

在府東北自靜安鎮下缺口所經道于青沙之夾趨北岸越北小江入儀真八十餘里

上新河

江東門外稍南五里通大江江中舟船盡泊此以避風浪

新河

江東門外流通大江官司馬快船所泊處兩河皆洪武初新開

沙河

在江浦縣東三十里宋范仲淹領漕時以大江風濤之險開此河

滁河

在六合縣境上自滁和二州界三汊口而下合為一河流至本縣境又至瓜埠大江吳孫權為堰塞

滁塘水以淹北道者

秦淮水

在上元縣治東南三里秦始皇時言金陵有天子氣使朱衣三千鑿方山為瀆以斷地脉水通

大江以秦開故名

溧水

溧陽縣西北四十里一名潑水

青溪

在府治吳縣東渠名之溪有九曲連綿數十里通湖瀟以洩玄武湖水發源鍾山接于秦淮

余家堰

在溧水縣東南一百十五里東通太湖西入長江吳王闔閭伐楚開此運糧

太平堤

在太平門外本朝築以備後湖水

運瀆

在上元縣治西北吳大帝使邳鑿鑿城西開溝入秦淮以通吳越運船城內有倉曰苑倉

破岡瀆

句容縣東二十五里吳赤烏中發兵三萬鑿句容中道至雲陽西城以通吳會船艦上下十四

埭

鳳陽府

淮水

發源桐栢山入潁上界至壽州西北合肥水至懷遠縣合渦水東流歷府北境又東北入泗州至清

河口會泗水東入于海府境諸水皆入焉

濠水

東源出鍾乳山西源出鎮鄒山二水合流至府舊城西南有石絕水謂之濠梁莊子觀魚于此東流

經新河口入于淮

洛水

自定遠縣西北望堆流入壽州界屈曲北流八里至新城村南十五里入淮

渦水

自黃河東流經蒙城縣沿懷遠縣東北與淮水合流至臨淮縣東入海

肥水

源出宿州龍山湖東流至懷遠縣入淮又有東肥河在壽州城東北西流十里入淮西肥河在下蔡

廢城西南境東源十里入淮

濉水

在宿州北二十里源出河南夏邑縣自河東流至清河口入淮

潁水

本朝洪武八年黃河分決合流經潁州北門外宣德五年西北淤塞俗稱小河上通古汴下達淮泗

汝水

在潁州南一百二十里源發汝州天息山經新蔡朱臯東流入淮

黃河

舊自太和縣界流入經潁州北門城下東流至壽州正陽鎮注淮正統十二年上流淤塞惟西華境

一支入潁合流下達淮泗

沱河

五湖縣治西北通虹縣五河口入于淮

澮河

源出河南永城縣馬長河東流歷宿州南境至五湖縣西北入于淮

滎河

在五湖縣東南二里源出南河東流入于淮

潼河

五湖縣東北三里通沱河經天

汴河

自宿州流入虹縣至泗州東西

直河

泗州東北二十里宋崇

新河

在盱眙縣彭城鄉宋發運使

安豐塘

在壽州南安豐廢縣即芍陂也楚相孫叔

清陂塘

在潁州南一百五十里

荆山堰

在舊鍾離縣西八十里梁天監中築壅淮水以

周時
修築

蘇州府

海

崇明縣在海中崑山

新洋江

崑山縣東南六里自

三江崑山縣南九里吳都賦註松江七十里分流東北入海者為婁江東南流者為東江併松江為三江

大江在常熟縣北四十里與通州對岸自福山港通至本縣北連大海

吳江在吳江縣東源出太湖一名松陵江又名笠澤源出太湖一名松

陽城河在府城東北二十里瀦浸廣潤源田甚博來自吳松江東流入于崑山

太湖府城西南五十里禹貢謂之震澤爾雅謂之具區史記謂之五湖乃貢湖遊湖胥湖梅梁湖金鼎湖

也跨蘇常嘉湖四府界

長蕩河吳江縣西南七十里上承湖州諸溪水下流入太湖

新開河在府城西北入掘橋運河門運河轉西北入掘橋運河

運河在府城西北接無錫達嘉興北

至和塘府城東北七十里北納陽城湖南吐吳松江宋至和間重修

松江府

海府城東南七十里

滬瀆江在府城東北六十里自吳松江出海

青龍江在府城西北七十里上接松江下通滬瀆

松江在府城北七十二里一名吳淞江源出太湖東注于海乃三江之一

澱湖在府城西北七十二里古鍾水之地受三泖及

黃浦在府城東南十八里其水自杭州嘉興經華亭西南入浦又東北流至上海縣入于海潮汐往還並浦

兩縣之田胥資灌漑

范家浦在黃浦東北洪武間因吳淞江淤塞潮汐不通郡人葉宗行上言疏浚接黃浦入海

顧會浦在府城西北接青龍江達于松江今通波塘是

大盈浦在府城西北七十里南接澱湖北經白鶴匯入于松江

龍盤浦一名盤龍塘自華亭東達上海西北入于吳淞江

三泖

府城西南三十六里近山涇圓者曰圓泖近泖橋

捍海塘

在府城東北自吳淞江起抵嘉興海鹽縣界長三百三十里

蒲漚塘

在上海縣南東出黃浦經龍華七寶至泗涇止

常州府

大江

府城北五十里西接丹陽東抵江陰西北入泰州界

閭江

無錫縣西四十五里即太湖別浦閭閻築城于此

芙蓉湖

府東五十里

陽湖

府東五十里與無錫分界北通茭沼臨津總為三湖近陽山成良田數百頃俗名長渠

蠡湖

無錫縣東南五十里范蠡開

五部湖

無錫縣東北七里源濁派清既田百餘里

潞湖

宜興縣西北三十五里東接太湖西通蕪湖港南

○持歸遂
陷為湖

長蕩湖

宜興縣西一百里與溧陽金壇
接壤又名兆河中有大怪山

運河

府治東自無錫縣界入境貫郡城西接鎮江丹陽
縣呂城壩九十里又江陰縣亦有運河引江水貫

中邑

惠明河

府西南引荆溪水下
流合後河入運河

綱頭河

府北流
入大江

西蠡河

府南一名浦陽溪南經陳
渡橋北接運河范蠡鑿

烈塘河

府西十六里俗名得勝新
河府南接運河北流入大江

橫河

江陰縣東宋天禧中知軍崔
立開以通漕凡六十餘里

清溪河

江陰縣東三十五里由蔡
港分流通過橫河西入長河

長河

江陰縣東南
流入新河

新河江陰縣東六十四里流入無錫縣界

白鶴溪府西南二十里北通運河入太湖

三渦溪武進縣南三十里北通運河

梁溪無錫縣西南十八里源出慧山繞歷山西南流入太湖古溪狹小梁大同中重濬亦曰長廣溪

荆溪荆南山北中江出蕪湖之西南東至陽羨入海

東瀉溪宜興縣東三十六里又名菴蓋溪亦曰五雲溪

狀溪宜興縣東南五里源出君山北流入荆溪取圓狀之義

申浦江陰縣西三十里春申君開東入無錫縣西入武進縣俱達運河

夏港江陰縣西十里自東南出蔡涇與黃田港合派入運河

黃田港江陰縣北春申君黃歇開以溉田

邗溝府城內一枕運河為南派一合市河為北派

孟瀆

府西四十里南通運河
北達江唐刺史孟簡開

伯牙瀆

府西二十八里南通運
河北接呂莊入大江

孝感瀆

府西南七十里晉王祥
從繼母寓此通潞湖

泰伯瀆

無錫縣東南五里西
統運河東連蠡湖

百瀆

宜興縣西南七十五里為
上瀆縣北六十里為下瀆

奔牛堰

武進縣西
三十里

鵞鴨蕩

無錫縣東
六十里

馬馱沙

江陰縣境沙間有陳公港
天港新港其水皆達于江

鎮江府

大江

府城西北六里即揚子江東
注大海北距廣陵一名京江

練河

丹陽縣北一名練塘水晉陳敏引水為湖周一百
二十里號曰曲阿唐永泰中刺史韋損復修以漑

田是湖納長山諸水凡七十一派

長蕩湖

金壇縣東南三十里一名洮湖通大岷山

伊婁河

府城南唐開元中刺史齊幹以州北隔江舟行繞瓜埠回遠六十里多風濤乃于京口埭下直

越渡

江二十里開此河二十五里渡楊子江立埭歲利百萬舟不漂溺

海鮮河

府城西北宋郡守史彌堅開西北通京江東南接漕渠

荆溪

金壇縣北一名白鶴溪源出古荆城溪入常州界

潤浦

府城東南二里一名東浦隋置潤州名取此

漕渠

府城內六朝都建康凡三吳船避京江之險自雲陽西城鑿運漕至都下隋大業末詔穿江南河自

京口城南至餘杭八百餘里西北通大江

謝塘

丹徒縣治南塘二淮田千餘頃梁謝德威唐謝元起所築因名

萬東坡

金壇縣東三十里陂宜稻百畝可收萬束故名

萬頃洋

丹陽縣南四十里溉田甚博

揚州府

海

在海門縣東十五里南達閩越北接齊魯

楊子江

儀真縣南經通泰州入于海江心水謂之南冷水

三湖

在高郵州綿三百里

甌社湖

高郵州西三十里

得勝湖

興化縣東十里宋張榮賈虎敗金人于此

吳公湖

興化縣北二十三里吳尚隱居湖側

平望湖

興化縣北二十里南接官塘

白馬湖

寶應縣北十五里

包老湖

泰州東北四十里湖水與他水會清而不雜挈壺氏嘗以此水供滴漏

千人湖

興化縣東一百二十里

官河

即右邦溝吳夫差築邦城下掘溝為邦江自江東北通射陽湖西北入淮一名漕河

伊婁河

楊子鎮以南至江運河也開元中潤州刺史齊濟穿此

白塔河

府城東北六十里南通楊子江北抵運河其水冬涸春漲民利灌溉

獅子河

儀真縣南與運河通

鳳凰河

興化縣三十五里以仲氏兩舍人世掌絲綸得名

游龍河

如皋縣東南六十里通大江又名九十九灣

樊梁溪

高郵州北二十里源自天長縣石梁河流入州界

太子港

泰州之西相傳王仙翁上昇昭明太子出此港往天目山致禮

沿海六港

在海門縣皆通東海潮漲則盈水退則涸

雷塘

府城北十里一名雷陂唐長史李襲譽引渠水溉田

捍海堰

興化縣大厯中李承所創宋張綸范仲淹悉力修之踰年堰成

平津堰

高郵縣境溉田數千頃唐李吉甫築

瓜州壩

府城南四十五里其壩有七

儀真壩

本縣東二里近楊子江其壩有五已上二處洪武十六年置縣東十里新壩景泰五年置

召伯埭

江都縣東北四十五里晉謝安鎮廣陵時所築民思其德比于召公故名

大府涇

寶應縣西南五十里又縣西南四十五里有徐州涇唐長慶中興白水塘屯田發青徐揚三州

民以築之

愛敬陂

江都縣西五十里南至儀真漢廣陵守陳登濬塘築陂

漕河隄

宋天禧中張綸為江淮發運使築長二百里旁為十閘以洩橫派

淮安府

海

海州城東二十八里南接朐山北接贛榆西趨海州往來所渡廣二十餘里

管家湖

府城望雲門外宋嘉定間郡守應純之鑿以練兵

射陽湖

山陽縣東南七十里與寶應鹽城分湖為界

石濩湖

安東縣西北一名淮湖與海州賴榆沐陽接境湖面約三萬四千五百餘頃

傅湖

安東縣東北十里湖西約一百三十餘頃

碩項湖

安東縣西北一百二十里一名大湖西連桑墟湖東南各有小河達于淮

桑墟湖

海州城西南九十里上接沐河下流入海

淮河

府城北五里自泗州龜山北流入府界縈迴府城東入海

老鵲河

府城西周世宗開

故沙河

府城西北十里宋喬惟岳開以避山陽灣清河

置廠易其名曰清江浦復于浦旁置倉積糧以備轉運至今公私兩利

新河

山陽縣磨盤口宋乾道中開

清河

清河縣西即泗水之下流源自泰安州經徐州流至邳州東境曰直河西境曰沙河又南下至縣西

北三三清河口分爲大

漕河

安東縣舊名漕渠唐垂拱中開以通海沂密等州

沐河

沐陽縣東南源自青州西北馬春固諸澗會流至縣界東入桑墟河

舊黃河

邳州城南門外上連徐境下入淮河

沂河

邳州城西自山東沂州城西流至下邳西南入泗河達于淮

武河

邳州城西北二里上連沂河下入黃河

洳河

邳州城西北九十里南流入舊蘭陵縣界

小河

睢寧縣北源自汴水經宿州入縣界合黃河

漣水

安東縣自沐水分派南入縣境在沐陽者曰南漣水入安東者曰北漣水

堯水

鄆榆縣西南八十五里源自沂州東派經縣界入海

劍水

潁榆縣西南八十五里源自沂州三峽山東流入縣界

汜水

宿遷縣界

泗水

出山東泗水縣源有泉四四泉俱導因名西南過徐州東南過邳州入淮

睢水

睢寧縣西源自靈璧縣東流經縣界又東北至宿遷縣入泗水

濁水

卽古邾潁南自寶應縣北流入淮春秋時吳穿邾潁通射陽湖入淮以通糧運隋大業初發淮南民

十萬開之自山陽至楊子江

洪澤

山陽縣界舊有閘宋隆興中魏勝守海州調發兵糧由運河至洪澤出閘入淮

白水塘

山陽縣南九十五里魏鄧艾伐吳時修以溉田

常豐堰

山陽縣唐大曆中黟陟使李承置以溉田

捍海堰

鹽城縣南接泰州海陵縣宋天聖中范仲淹建議修築

永安堤

海州東二十里北接朐山環城長七里以捍海潮唐開元中杜令昭築

廬州府

巢湖

巢縣西十五里一名焦湖周四百餘里港汊大小三百六十占合肥舒城廬江巢四邑之境

白湖

廬江縣東北三十里周七十餘里跨六鄉與巢湖連流入大江

金斗湖

源出雞鳴山東流至府城自西水關流入城中至東門外歷金斗驛流入巢湖

三湖

府城南九十里其源有三合而為一入巢湖

裕溪湖

在無為州東一百二十里源出巢湖東流入大江

柘臯河

巢縣西北源出合肥縣浮槎山流入巢湖

淠河

六安州西一名白沙河出霍山北迤運流入安豐界入于淮

肥水

府城南七十五里水出雞鳴山北流二十里分爲二其一東南流入巢湖其一西北流入淮水晉謝

玄破符堅梁韋殷堰水以灌台肥

濡須水

巢縣南俗呼馬尾溝源出巢湖東經亞父山北注江漢

桃溪

舒城縣北三十五里源出六安州界流入于巢湖

繡溪

廬江縣西五十里發源馬槽山下經昇仙橋滙為黃陂湖又東流入于江

西塘

廬江縣西三十五里溉田四百餘頃

七門堰

舒城縣西漢劉信築魏劉馥修之利民甚博縣南又有槽墳堰烏羊堰共溉田二萬餘畝

安慶府

大江

環府城之東西南三面東接無為州諸水西南合九江彭蠡之水

太湖

在太湖縣源出縣西東南流入大江

龍南連若湖

在宿松縣南五十里東五里為白荆灣池又東二十里為大伯灣湖又東十里為張

富池下流入望江縣之泊湖出雷港口達大江

漳湖

望江縣東北六十里會上派武昌青草諸湖水東北入于淩溝至山口鎮入江

泊湖

望江縣西四十里合龍南大小伯灣河諸水滙而為池下流分而東出與楊溪長河合流

鯀河

宿松縣西南八十里湖水甚闊中有鯀魚甚大

青山渡河

源出皖山合潛山縣西南河下流至府城西南入于江

樅陽長河

源出桐城縣東南入于江

沙河

太湖縣西南源出壽州銀河水分流東南三百三十里至沙橋渡又東五十里分爲二東流入青潭

口合
皖水

楊溪長河

望江縣南五里河有三十六斷其一曰龍潭

桐陂水

源出龍眠山穿桐城縣市下溉營田經三十里流出湖紆回至大江

潛水

出潛山縣西北境下流與皖水合

皖水

潛山縣北下會潛水府城西達大江

吳塘陂

潛山縣西二十里魏廬江太守朱元光開屯田于此

翟公隄

太湖縣西南元末縣尹翟居仁所築民至今賴之

石子港

望江縣北二十里合慈湖諸澗谷水流入武昌湖

太平府

大江

府城西
北五里

魯明江

蕪湖縣西南三十餘里與繁昌縣分界

丹陽湖

府城東南七十里亦名路西湖周二百餘里當徒與溧水以湖中爲界

天城湖

又名天聖湖在當塗縣

大信河

府城西南二十五里下達采石入大江

新河

采石東牛渚磯後南接夾河北達大江

黃池河

府城南六十里東接固城河西接蕪湖縣入大江南至黃池鎮北至宣城

蕪湖水

府城西南八十里源出丹陽湖西北流入大江

狄港

繁昌縣西南二十里與蕪湖縣接屬西對無爲州乃江流險要處

寧國府

清弋江

源出涇縣及池州石埭合衆流出蕪湖入于江

北疇湖

府城北四十里

五湖

寧國縣北四里源出千秋嶺北流入寧國縣溪至宣城入江

麻川水

源出黃山之麓下流至太平縣界東南麻陂又流至旌德涇縣入江

礮石水

太平縣西五十四里源出黃山其流入江

徽水

旌德縣南十里源出徽嶺南入縣市北會三溪

宛溪

府城東源出驛陽山

句溪

府城東五里源出歙之叢山東北流二百餘里合衆水入江

綏溪

府城北一百里一名白沙源出廣德之建平入北瀟湖合句溪入江

賞溪

涇縣西一名涇溪源出石埭支流入太平縣流至涇縣南陵宣城逾蕪湖入江

麻溪

涇縣西一百里源出池州府石埭縣歷太平達賞溪

舒溪

太平縣西六十里源出徽之黟縣歷涇縣入江

梅溪

旌德縣東三十里源出鳧山北流二十餘里入寧國縣界

漳淮

南陵縣南六十里源出呂山至縣東溪與中港西港之水相合流入小淮河出魯港入大江

德政陂

府城東十六里唐大曆初觀察使陳少遊置引渠溉田二百里

大農陂

南陵縣積水溉田千頃

池州府

大江

府城北境上自東流縣鴈汭入界北流又折而東歷李陽河下至銅陵縣大通河口凡二百餘里府

境諸水

皆入焉

大青湖

東流縣北四十里廣十餘頃

池口湖

即貴池源出櫟山流為管公明溪歷龍鬚河會于秀山倉埠潭過白面渡匯為秋浦又北流入

江于大

銅陵河

銅陵縣西北七里其源一出南長山一出縣北官莊一出東高村山會于橫塘開入市後湖達

江于大

大通河

銅陵縣南四十里其源一出九華山一出天門山一出梅衝山會于卑橋湖至大通鎮入大江

荻港河

銅陵縣北八十里源發朱村耆邵家澗會石洞南洪鳳凰鍾鳴貴各水合流至北下入大江

五溪水

青陽縣西二十里源出九華山五溪龍溪池溪漂溪雙溪欄溪合流入江

天門水

銅陵縣南四十里出天門山襟帶數里灌溉民田流永城埭至荻港入江

青溪

源出考溪山與石人嶺水合北流匯為王鏡潭又東流經府門外復折而北至清溪口入大江

堯城溪

建德縣南發源自太原鄉等處北流達大江

秋浦

府城西南八十里長八十餘里闊三十里

丁家洲口

銅陵縣東北二十里發源儀鳳嶺達于東流會于栖鸞湖過鳳心岡合胡城順安水一自

洲上口一自洲
下口達于大江

徽州府

黃墩湖

府城西南四十里一名蛟潭

浙溪水

出休寧縣浙嶺東流至縣一名漸溪即古漸地

五城水

休寧縣南三十里流經顏公山下北入婺源縣界旁有五城相對

婺源水

源出大廣山下南流經婺源縣界與斜水合入江西樂平縣界

吉陽水

在黟縣東北東流至白茅渡與橫江水合入休寧縣界

揚之水

在大鄣山東流六十里至牯流溪入歙縣界抵府城西

大共水

源出大共山南流入浮梁縣界

登水

績溪縣東北八十里南流合揚之水入歙縣界

武溪水

源出浙源山西流至婺源縣界其東為龍尾山

徽溪府城外源出績溪縣下與黃山水合西流經府城西會南港浦水達休寧港入于錢塘

澧溪山婺源西北山谷流數百里會衆流入鄱陽

歙浦歙縣東南十五里秦置縣名取此

羅公泉績溪縣南二十五里源極深長維大旱不竭灌田百餘頃

廣德州

南碕湖建平縣西十里流入丹陽湖

桐川水在州城西北源出白石山西北流入丹陽湖

大源溪自寧國府大陶山流經州界下流入南碕湖自丹陽湖蕪湖達于江

鯉洪溪州城東南十里有二源流會于此灌田二萬餘畝

和州

橫江州城東南二十五里直江南采石渡處

柵江州城西南一百五十里與無為州分中流為界

麻湖州城西三十里周廻七十里為郡之浸舊名歷湖

澧湖州城西十五里受麻湖下流入江

裕溪河州城南九十里源出巢湖過雍家城驛南入于江

濡湏水縣西南七十里即濡湏山東關之水會清溪水過新裕口至柵江入于江

烏江浦州城北故烏江縣東四里項羽東走之處

當利浦州城東十二里

鑽石港舊烏江縣東北五十里入于江

新裕港縣南八十里

甯游溝舊烏江縣東南二里甯田五百頃元縣丞甯五開貞元中縣令游重彥又治之故名

銅城堰州城西南六十里周廻一百里注旧三千頃皆膏腴賦入當本州十之三

滁州

鄧湖

全椒縣西南三十里鄧置鄧縣

滁河

州境內源出廬州過全椒縣與襄水合流至東南三義河會清流經六合縣達于江

清流河

源出州西清流河上繞州治而南入滁河

龍尾河

來安縣東門外下流會來安水入水口河

襄水

全椒縣界內源出石臼山北循縣治之後東南流入滁河

來安水

來安縣境內源出盱眙縣界流至此又東南流入清流河

徐州

山西湖

蕭縣西南水流入于汴

永固湖

未固山下流入山西湖

泗水

源出山東泗水縣南流過沛縣至州城東北合汴水循城東南以達于淮

汴水自河南開封府界東流過蕭縣至州城東北與泗水通

濰水州城南六十里

泡水沛縣西即豐循泗亭驛前入于泗

潮水沛縣東北出山東滕縣界流入朝陽湖達于薛水

薛水沛縣東出滕薛之境西流會邾水自金溝上閘入于泗

大澤豐縣北六里漢高毋息處

呂梁洪州城東南六十里有上下二洪巨石齒列波流洶湧莊子呂梁懸水三十仞流沫四十里是也

浙江杭州府

海海寧縣南十里東連海鹽西境潮汐往來衙激不常舊有捍海塘二後又添築鹹塘

浙江府城西三里出歙縣王山其水經建德合婺溪過富春為浙江入于海江口有山居江中潮水投山

十折而曲故云浙江

富春江

富陽縣南即浙江上流

鼉江

在新城縣

西湖

府城西周圍三十里其源出于武林泉山川秀發景物華麗自唐以來為東南遊賞勝處舊有十景

臨平湖

府城東北六十里舊名鼎湖漢末塞晉咸寧中復開

陽陂湖

富陽縣北十里唐貞觀中蘇今尹開并造水閘可溉田萬頃

上下湖

餘杭縣南五里有上湖縣西二里有下湖漢熹平間縣令陳渾開築隄蓄水唐寶曆中令歸兆

重脩又縣北三里有北湖其溉灌千餘頃

查河

餘杭縣北三十五里源出諸山溉田甚廣

九溪

府城西南十二里衆山泉水所出自徐村入大江

苕溪

餘杭縣治發源天目山由於潛臨安東流至餘杭經錢塘入湖州而匯于具區夾岸多苕花每秋飄

散江上如飛雪

仇溪

餘杭縣東北二十里其源有二一出臨安之高

交溪

陸山一出本縣之獨松嶺皆至仇山合源而去

紫溪

於潛縣南三十里源出天目山龍湫通昌化柳源

縣今杜沐開又鑿渠

雙溪

昌化縣南溪中有洲

錢塘

府城南唐元和志邑境偏近江流功曹華信議立

因號錢塘

沙河塘

錢塘縣南五里唐咸通二年刺史崔彥魯開時

三沙河

捍海塘

府城東三里梁開平

淡塘

海寧縣西北宋嘉定間海岸

鹹塘

海寧縣西南與淡塘相對

永昌壩

府城東永昌門外洪武二年建

會安壩

府城東北艮山門外洪武五年建

豬園壩

府城北武林門外洪武三年建

德勝壩

府城西武林門外洪武五年建

長安壩

海寧縣西北二十五里長安鎮

嘉興府

大海

海鹽縣東二里自元來為石塘南北計四千八百丈本朝歲加修築與寧紹相對

天星湖

府城東北一名天心大旱不竭

滌湖

府城東南二里一名馬場湖

鴛鴦湖

府城南三里一名南湖其故履百有二十頃

分湖 嘉善縣西北三十六里其半為吳江縣地

賁湖 海鹽縣西三十里一名宋坡湖周四十餘里南與黃道彭墩二湖相通

鸕鷀湖 海鹽縣西南四十里周四十餘里

永安湖 海鹽縣南四十五里溉田甚廣湖中之稅均于田上

當湖 在海鹽縣東周四十餘里王莽改海鹽為展武縣後陷為湖

東泖 平湖縣東北三十里相接松江界

運河 自京口至餘杭八百餘里府城西隋大業中開江南河

莊溪 府城內即南湖支流經城而達北運河

雙溪 府城東十里舟之達于松江者皆由此溪

泰溪 海鹽縣西南三十六里水通豐山港接運河

車溪 崇德縣東北三十六里南北相距二十餘里流入太湖

橫浦

海鹽縣東二里東北通故邑西通資湖南入于海

藍田浦

海鹽縣南三里浦上有藍田廟宋咸平中知縣魯宗道重開以通海潮入運河又名魯公浦

乍浦

海鹽縣東北三十五里其水舊自官河入于海元至正間番舶皆萃于此洪武中築城浦上以備禦

澉浦

海鹽縣南三十六里谷水於縣出為澉浦以通巨海洪武中築城

許巷蕩

嘉善縣西北三十六里旱歲民咸資灌溉

車溝

府城西北七十三里其流與烏程縣水相接入震澤

長水塘

府城南六里長五十餘里

伍子塘

嘉善縣西南接胥山

防海塘

海鹽縣東二里一名太平塘宋置長一百七十里餘元至元間縣尹顧洙復修之洪武初易之以石末築中重修

萬厝中又修

招寶塘

海鹽縣西南二十五里宋淳化初開堤路長四十里

杉青堰

府城東北四里其旁有閘置巡檢司

王江涇

府東北二十七里

清風涇

嘉善縣東北二十四里舊名白牛涇宋陳舜俞跨白牛往來之所

湖州府

玉湖

府城南三里南來之水自天目之陽有百頃合苕水于城東北入太湖

太湖

府城北十八里烏程長興之間廣二百八十三里周三萬六千頃跨湖宣蘇常四郡

西湖

長興縣西南五里一名吳越湖既田至三千頃唐貞元中刺史于頔修之

風渚湖

武康縣東南十七里一曰巽湖又曰封渚湖又曰九里湖又曰下渚湖

董嶺水

孝豐縣西三十九里嶺上水源分東西流入寧國府西入本縣

南嶼水

孝豐縣東南十七里亦名白水

苕溪

府西溪有二源一發天目山一發獨松嶺合浮玉山俱至安吉州合流至府城西又分二派一自

清源門入雪溪一至臨湖

雪溪

府治南以其合四水為一溪故曰雪四水者名溪前溪餘石溪此流水也一名雪川

寶溪

府城東南四十五里一名射村溪

潯溪

府城東七十二里有水自德清來與震澤墨矩湖接

練溪

府城東南七十五里

箬溪

長興縣西溪皆生箭箬南岸曰上箬北岸曰下箬

荆溪

長興縣西南六十一里原出荆山東流橫入大溪

後溪

武康縣東北源自烏面衆山流出東注苕溪

新溪

武康縣東北三里自後溪東注于此宋淳熙中知縣蔡霖以砂磧漲塞自以溪口廢舊港徙水道東

注五里合長安大溪邑人號為蔡公溪

阮公溪

武康縣西十里前溪上流接餘英溪

梅溪

里安其水北入茗溪

顧渚

長興縣西北三十里吳夫槩顧其渚次原隰

荻塘

府城南一里晉太守殷康築溉田

蒲帆塘

府城北二里唐開成間刺史

柳塘

府城北三里吳時開本名

謝塘

府城西四里

凌波塘

府城東南二十五里唐

連雲塘

府城東南七十五里又曰練

石塘

德清縣東北十八里臨

蠡塘

長興縣東三十五里越范蠡築在縣南者曰絲塘

金華府

浦陽江

在府城東三十五里與黃演松谿諸湖相映帶

繡川湖

在義烏縣治西廣數百頃群峯環列繁如組繡故名本朝王詩十里華川上年來足勝遊

雨花林

在府城東平生身外事未許付沙鷗

漱水

在府城東南西至蘭谿縣

龍門水

在蘭谿縣北三十里一名梅溪源出浦江縣烏蜀山歲旱禱雨多應

大銅川

小銅川在水康縣西北一十七里小銅川水入大銅川併入武義縣界

梅溪

在府城東北發源武義縣流入永康溪

雙溪

在府城南其源有三一出東陽縣大盆山一出處州縉雲縣與東陽義烏二溪合流故名

赤松溪

在府城西比自南而至赤松官

蘭谿

在蘭谿縣西南三里即漱水也以岸多蘭蒨故名宋楊萬里詩蘭谿水清千頃強

畫溪

在東陽縣西南三十里一名東陽江群山縈連草木如畫因名

五雲溪

在義烏縣西北二十五里源出五雲山入大溪

花溪

在永康縣東北五十里清淺可愛方春桃紅李白夾隄如繡可

熟溪

在武義縣西南與永康溪合其水瀉田歲常稔熟

湖溪

在浦江縣北二十里源出炭坑山北流抵富陽縣以達於錢唐江

白砂溪

在湯溪縣南三十里由遂昌縣流入永康溪中多沙如霜雪

九里潭

在武義縣東南九里晦冥之夕鐘聲隱隱出潭中嘗有漁人入潭捫鍾見之鍾旁有佛面歲旱

於此

五百灘

在府城西五里灘最大俗傳舟行挽絆五百人方可渡唐李白詩聞說金華渡東連五百灘

金鵝塘

在義烏縣北一十里昔人欲匿此塘以通豐江有鵝飛出而止故名

東湖塘

在浦江縣西南三十五里舊名東湖宋天聖初邑人錢侃所築大觀間侃孫工書通重脩作記

嚴州府

新安江

淳安縣南一名青溪出徽州自歙縣經本縣界至府城南合婺港東入浙江

東陽江

府城東南二里來自金華府界至此與歙江合流東入浙江

桐江

桐廬縣北三里亦名桐溪源出天目山流入浙江

西湖

府城西南唐刺史侯溫開

白水湖

桐廬縣北二十里湖有四既田甚博

壽昌溪

壽昌縣西六十里流入新安江

天目溪

分水縣東源出天目山

三河潭

府城東南四十里潭水逆流而上兩傍順流而下唐置三河戍

古渠

淳安縣南引西山泉橫貫市中

衢州府

彭湖

府城東十五里

西湖 龍游縣西南宋馬天驥開

五百人湖 龍游縣北三十里澆田五百餘頃

信安溪 府城西二里一名西溪東流入龍游縣界名盈川溪至縣北五里又名穀溪東流與東陽江合

歷嚴達杭入于海

定陽溪 府城東九里一名東溪源出處州遂昌縣之周公源東北流入本縣界至鷄鳴山下與信安溪

合其分派自石室橫溪築堰導流迤北澆田五萬六千餘畝

柘溪 府城西十五里一名柘溪

穀溪 龍游縣北五里漢有穀水唐置穀州

文溪 江山縣南三十五里其源有四一自石鼓山一自廣源一自永豐之後洋一自括蒼之半挑山合為

是溪

金溪 開化縣北四十里源出馬金嶺下西北流統縣又轉而東南流經常山縣名金川下流與文溪合為

信安溪

神塘府城東五十里唐開元中因風雷推山堰澗成塘溉田二百頃

處州府

蔣公湖遂昌縣東二十里

劍池湖龍泉縣南五里歐冶鑄劍於此一號龍淵以劍化龍而去

大溪府城南二里亦名洄溪源自龍泉縣南合秦溪蔣溪至縣界合松溪遂昌港東至青田縣南又合諸

水東南至溫州入于海

好溪府城東五里源出縉雲縣之大盆山南過桐溪東入海舊名憑江

桑溪府城北二十五里源出宣慈鄉入大溪

小溪青田縣西南二十里即古沐鶴溪

浣紗溪青田縣南八十里謝靈運游石門洞至此遇二女浣紗作詩朝之女亦答詩須臾不見

塵溪

青田縣西一百三十里出勒木山入大溪歲旱鄉民築堰以溉田潦則決之為利甚傳

松溪

松陽縣西三十里發源遂昌縣東南派至麗水縣入大溪

雙溪

遂昌縣南蜿蜒廻繞如龍之狀至碧瀾橋而合

靈溪

龍泉縣東蒼福縣北夾長洲為兩派

虎踏溪

宣平縣南六十里雙潭合流有人擊虎跡尚存

盧栖溪

景寧縣東六十里有洞廣數丈唐盧敖棲之

梧桐川

龍泉縣東十五里有兩源又遂昌亦有梧桐川

胡公堤

遂昌縣前胡泊築以防水土患又曰三牛堤

通濟堰

松陽遂昌二縣間梁天監中唐南二司馬築宋范成大復修民蒙其利

紹興府

海

山陰縣北三十里曹娥錢清浙江三水所會謂之三江海

錢清江

府城西五十五里以漢劉寵一錢名

曹娥江

府城東南七十里即曹娥求父屍不得投江之處

姚江

餘姚縣南潮上下二百餘里而水不鹹一名舜江

鏡湖

府城西南三十里

牟山湖

餘姚縣西北三十五里居民得灌溉利

夏蓋湖

上虞縣西北四十七里湖內三十六溝湖東北有山名夏蓋

若耶溪

府城南二十五里與鏡湖合唐徐海游此云魯子不居勝母之里吾豈遊若耶之溪因改王雲

溪

剡溪

嵊縣南一名戴溪即晉王徽之雪夜訪戴逵處

投醪河

府東南六里越王棲會稽有酒棧池民飲其流戰氣百倍

浣浦

諸暨縣東南西子浣紗于此

蘭渚

府南二十五里王羲之曲水賦詩處

樵風涇

府東南二十五里漢鄭弘採薪得一遺箭頃之有人覓箭弘與之問弘何所欲弘曰常患若耶

溪載薪為難願朝南風暮北風後果然世號樵風涇

海塘

餘姚縣北四十里宋令謝景初元州判葉恒築以防水患一名蓮花塘

寧波府

海

鄞慈溪定海象山四縣皆濱海

灌門海

定海縣東北故昌國縣

鄞江

府城東其源有二一自奉化江合它山之水東流一自上虞縣經餘姚慈溪縣境東流俱至縣東三

港口會而東注至定海大浹江入海

奉化江

奉化縣北四十五里俗名北渡江流入鄞江

大浹江

定海縣南又有小浹江

管山河

慈溪縣東五里宋吳潛浚以通水利鄞慈定三縣賴之

市河

奉化縣東五里既田三萬七千畝

慈溪

慈溪縣西南三十里舊名大隱東漢董黯因母疾思飲此水築室溪濱以便取汲後人名之

文溪

慈溪縣東十五里受衆山之水俗呼門溪

剡溪

奉化縣西七里入縣境凡九曲入奉化江

東錢湖

府東二十五里周廻八十里既田八百頃又名萬金湖

廣德湖

府西二十里宋曾鞏記東七鄉之田錢湖既之西七鄉之田水之注者則此湖也舊名鶯脰湖

小江湖

府城南三十里既田八百頃

普濟湖

慈溪縣東北唐今房琯鑿以既田舊名闕湖宋易慈湖

姜湖

慈溪縣東南十里宋邑人姜氏捨田開河鄉人賴之

杜湖

慈溪縣西北六十里唐刺史任侗重復民得大利

它山堰

府西南五十里先是鄞江水與海潮接鹹不可食田不可溉唐令王元綽叠石為堰于兩山間

闊四十二丈級三十有六治鐵灌之渠與江截為二渠流入城市緣鄉村以漕以灌其利甚溥

台州府

海

府東一百八十里臨海黃岩寧海三縣皆濱海

三江

府城西十里其源有二一自天台關嶺一自仙居永安二溪至此合為靈江故曰三江

永寧江

黃岩縣西北有二源大源出東山東南流至左溪村小源出黃岩山東北流至大溪與大源合

經縣北東流入海

天賜湖

黃岩縣東南五十里限浪山下居民大利

王溪

臨海縣西十里俗名宋師溪

青溪

天台縣西五里源出天台山南至桐栢

温州府

永寧江

府城北舊名慎江一名永嘉江東自大海西通處州青田溪

安陽江

瑞安縣南一名安固江又名飛雲江有飛雲渡渡西有中洲

橫陽江

平陽縣西二十五里一名始陽江又名前倉江

會昌湖

府西南唐會昌中郡守常肅築

梅溪

平陽縣西三十里又樂清縣東亦有梅溪王十朋取為號

黃帝池

瑞安縣崇泰鄉廣五百餘畝水分八派

江西南昌府

章江

府城西一名贛江上從豐城縣界流至南浦折而北流入鄱陽湖

東湖

府城東南隅周廣五里舊通大江漢太守張躬築堤以通南路謂之南塘唐刺史常丹開斗門以接

江水俗呼為南塘墜

蛟湖

豐城縣西十五里源發劍池東北派五里許滙為湖流入張樂港灌田數百頃

日月湖

進賢縣北二十里水涸則分爲二漲則合爲一

武陽水

府城東南三十五里源出南豐流經臨川支流達于豐城東北流經南昌又東北入官亭湖

蜀水

府城西南六十里一名筠河自瑞州高安縣東流入南昌境與章江合流

雲韶水

豐城縣東一百十三里源出撫州橫江東北入縣界合贛江

富水

豐城縣東南一百五十里源出羅山西北流合豐水東入贛江

豐水

豐城縣南一百八十里出自柘山繞豐城劍池入贛江亦名劍水

龍溪水

奉新縣西二十里源發藥王山流經縣界築廵數里合馮水

脩水

寧州西六十里自艾城東北流六七百里入彭蠡河以其脩遠而達于江故名

鶴源水

寧州東北七十里源發湖廣九官山下南流與脩水合

黃源水

府城西南五十里蕭史峰下潏流六十里合蜀水入象牙潭

具源

水出西山高下十堰溉田萬餘頃

饒州府

鄱江

府城南門外會德興浮梁及徽州廣信諸水流經城南環城流至西北復分爲二俱入鄱陽湖

樂安江

樂平縣治南源出徽州府經德興縣會諸水合流下入鄱江

錦江

一名安仁港源發廣信府流經安仁縣會白塔河下餘于縣入鄱江有雲錦石

昌江

浮梁縣南源出縣東八十里西流會諸溪水下入鄱江

鄱陽湖

鄱陽縣西四十里即彭蠡延袤數百里

龍停湖

樂平縣南四時不竭

三餘水

餘干縣前會縣之西南諸溪水三道而入故名或曰吳越楚之餘水

建郎水

德興縣西南源出廣信弋陽縣西北流縣境下樂安江

龍窟河

餘干縣南十五里源出廣信之興業溪西流入鄱陽河

大溪

德興縣北二十里源出徽州婺源縣至縣境會諸溪水下入樂安江

邵父隄

府城東北三里唐刺史李復築以捍江百姓思德如邵父故名

廣信府

上饒江

府城北上流會諸溪水下經弋陽貴溪流入饒州府境

弋陽江

弋陽縣東二十里又名弋溪源出靈山西流入葛溪

王溪

玉山縣東五里有二源合流十餘里會淪溪水入上饒縣

明溪

弋陽縣西二十里下入葛溪本名弱水

葛溪

弋陽縣東七十里出靈山合晚港水下經鄉溪入鄱江

永豐溪

未豐縣東南四十五里有永平溪下流合永豐源自福建建寧府界流經縣界入王溪

信義港

弋陽縣東二十里源出福建邵武府下入葛溪

南康府

彭蠡湖

府東南闊四十里長三百里西接南昌東抵饒州北入江即鄱陽湖在九江府東南九十里爲

宮亭湖

新開湖都昌縣西宋紹聖間開

石堤

府治南臨大江風作舟楫難泊宋崇寧中孫喬年以石為堤內浚二隄可容千艘朱文公又捐金築

九江府

潯陽江

府北源出岷山至此下流四十里合彭蠡湖東入海

濂溪

府南十五里自廬山西北流合龍開河入江周敦頤寓此

虎溪

府南道書以虎溪山為七十二福地之一

湓浦

府西源出瑞昌縣青盆山亦名盆水

建昌府

盱水

源出血木嶺流六十里為盱水又二十里為巴溪又十五里為小動溪又七十里至廣昌縣前又三

十里入南豐縣境東北流百餘里至府城東南會新城縣飛猿水又東北流二百餘里入撫州府境

水壺水

新城縣西四十里源出福建泰寧縣界水之西有神山

麻源

府城西十五里循溪而入多茂林脩竹土田沃衍

撫州府

汝水

其源上接盱江流經金溪縣南百餘里東流入豫章水其上流之分派自千金陂西流至郡由東而

北合宜黃崇仁二縣溪水至南昌界合豫章水入鄱陽湖

臨水

府西十里源出崇仁縣臨川山下流至西津與汝水合

西寧水

崇仁縣西五里源出華蓋山下曲折五百餘里與汝水合

清江水

金溪縣南三十里水清可漚楮土人造紙

宜黃水

源出宜黃縣黃土嶺流四百七十里至西津合汝水

鰲溪水

樂安縣南源出芙蓉山東流至縣又西流與贛水合鰲山在南

臨江府

清江

府南五里本贛江經吉安府至此為清江又東北流入南昌

袁江

源出袁州府萍鄉縣蘆溪至新喻為渝水至府南十里入清江

太平江

府西三十里自蒙山之陽至華陽江口流二十里入袁江

蕭水

府西五里源出棲梧山及烏塘台流而為蕭水下至南昌入江

潁江水

新喻縣東北八十里自蒙山之陽八十四源合流經此下入渝水

吉安府

贛江

府東章貢二水至贛縣東北合為贛江下流一百里凡二十四灘至萬安縣東流六十里逾泰和建

于此合衆流而滙于彭蠡

王江

廬陵縣東南五十里源自富田之上而來至值夏合明德水入贛江又安福縣東南亦有王江源發

陳會山東流與廬水合

雲亭江

泰和縣南一名鄉水源發興園縣界西北流至珠林入贛江

盧江

吉水縣南源發永豐縣界合上盧中盧之水西流為盧源又西北流為盧陂灌田數萬畝又西流入

義昌水

禾水

泰和縣西五十里合永新江又合安福江至廬陵神岡山下入贛江

盧水

安福縣北源出廬山東流與王江合又東合赤水入贛江

惶恐

難萬安縣西舊名黃公灘宋文天祥有

柿陂

吉水縣西北八十里源出袁州之分宜溉田十餘頃

寅陂

安福縣西四十里橫截盧水下流達縣前溉田一萬三千畝

瑞州府

蜀江

源出袁州府萬載縣龍河渡流至上高凌江合新昌縣江歷郡城而東匯于府昌之象潭而入章江

曲水

府南六十里發源崇山流入潦詩口東入贛江

鹽溪水

新昌縣西一名若耶溪分寧縣發源入上高東流蜀江

袁州府

秀江

府北門外源發羅霄山流經府城西十五里爲

龍江

萬載縣北五里源出縣西一百二十里爲金鐘湖下流入瑞州

羅霄水

萍鄉縣東南四十里源出羅霄山分二派東爲秀江西入醴陵

楊岐水

源發楊岐山西流入萍鄉縣前下入醴陵境

西陂

府城西唐刺史李將順決陂水入城以通船後淤本朝重疏如舊

贛州府

貢水

源出汀州新樂山西經瑞金南入會昌北會雩都寧都興國信豐之水流至府城東環城而北會于

章水

章水

即彭水源出南安府尋都山流至府城西環城而北會于貢水

贛水

府城北章貢二水合而爲一北流至萬安

虔化水

寧都縣境舊虔州及虔化縣皆本此

零水

源出寧都縣之零山西南流入貢水

寧都水

源出寧都縣會散水資當曲陽黃沙長樂五水流經寧都縣境入貢水

綿水

瑞金縣東南二源一出陳石山台流入汀州白頭嶺一出陳石山台流入貢水

廉水

源出安遠縣會烏田紫嶺欣山禮仁上林諸水下流至會昌縣

湫水

興國縣東北一名平川會湫水黃田水流入貢水

南安府

章江

源出大庾縣之聶都山經南康縣東流會貢水

南源水

府城西北七十餘里源出南源山下流入章

南壑水

南康縣西一名桃水下流合蓮塘入章

猶水

上猶縣東源出湖廣郴州桂陽縣流經縣南又東至南康入章

蕉溪

源發南康縣西三十里流至浮石入章

通波

大庾縣各縣亦有之溉田甚博

山西太原府

黃河

西北自大同府界流經保德守嵐州興縣西城入平陽府石樓縣界

潞沱河

源出繁峙縣秦戲山歷代州崞縣忻州定襄五臺孟縣入真定府平山縣界

汾河

界

府城西二里西北出靜樂縣管涔山經太原清源交城文水祁縣至平遙介休南入平陽府靈石縣

沙河

出太原縣西風谷經晉陽故城南隍中東流入汾

榆林河

在臨縣東北三里下流入黃河

龍花河

孟縣北四十五里北流入潞沱

清水河

五臺縣東北一百六十里出華岩嶺流入潞沱河

北川河

石州西門外發源赤堅嶺又有東川河與北川合流入黃河

洛陰水

府城北三十里出新興郡南流經洛陰城至孟縣北故城入汾

晉水

太原縣西南十里出懸壺山分三派

涂水

有二俱榆次縣小涂發源鴈山太涂發源入磚嶺

奄谷水

太谷縣東南又三十里為圓馬谷水西南為胡谷水東北有象谷水

通光水

祁縣東其南有隆舟水出祁縣東南一百六十里胡甲山注于汾

文水

發源石州方山界歷榆城至文水縣入汾

澤發水

平定州東九十里又西九十里為泚水又東五十里為故關水

洞渦水

原出樂平縣西四十里陡泉嶺至平定州西至壽陽經榆次合涂水又至徐清縣入汾又平定

西南八十里為洋

沾水

樂平縣西南又西三十里為鴉化水亦入洞渦水北為清漳水東為皋落水

聖阜水

五臺縣西南又北有慮燒水入滹沱

雲中水

忻州北七十里一名肆慮川

名源水

崑崙州北五十里又崑崙山下有蔚汾水俱入黃河

清河水

寧鄉縣南三十五里下流入石州有赤洪水

平陽府

黃河

北自石州寧鄉縣流經石樓永和大寧吉州河津榮河縣至蒲州西門外東歷內城入河南府境

汾河

源出崑崙州流經靈石趙城洪洞臨汾南歷襄陵太平絳州稷山河津榮河經于黃河

沁河

源出沁州沁源縣南流經岳陽澤州界至河南懷慶府入黃河

澮河

源出翼城縣東烏嶺西流至絳州入于汾

第一河

蒲縣西源出七佛峽西流入黃河山溪衆水所宗

晉水

源出府城西南平山流至襄陵縣北門外東入汾

三交水源出襄陵縣卧龍山合諸溪水西入汾

黑水浮山縣北四十里源出黑山西北入汾

絳水發源絳縣西北入聞喜又有涑水俱入黃河又絳州東北十八里為龍谷水

媯汭水在蒲州源出歷山下流入河即堯降二女地

姚暹水解州北十五里源出夏縣巫咸谷經安邑至本州西入臨晉

鄂水鄉寧縣引為四渠溉田

八十里川岳陽縣東一百六十里源出路州長子縣

索陀川末和縣東北三十五里西流合仙芝谷水入黃河

昕川太寧縣東南其水來自隄州者曰紫川來自蒲縣者曰蒲川

鹽池在解州產鹽又安邑縣亦有池出乳鹽

大同府

奄遏下水海

府城西北二百里木潮無常納大澗小

海子

懷仁縣東十五里周三十里

黃河

比自古東勝州界來歷廢武州西

桑乾河

府城南六十里源出馬邑縣北洪

金河

古雲內州東南一百五十里西流入天瑞泊又有

歷東勝州入黃河

嘔夷河

在蔚州境今名唐河

武州川

出白羊山谷流至府城南十五里東南注如渾水一名街河

渾源川

渾源州西南又東北有崞川

居延川

朔州北雲內州

灤水

出馬邑縣西北洪

淶水

廣昌縣東南流入保定府易州界一名拒馬河

潞安府

濁漳水

府城西南二十里源出長子縣西發鳩山

藍水

長子縣北十六里自屯富縣東南流經縣界入州境合濁漳

絳水

源出盤秀山下流經縣北又東流州境合濁漳

交漳水

潞城縣西三十五里濁漳與絳水至此交流故名

甘羅水

襄垣縣西三十五里東北合濁漳

涅水

襄垣縣西北六十里源出沁州覆轅山東流入縣界會小漳水至縣南合濁漳

玉泉水

黎城縣西北五十里流入河南涉縣界合清漳水

汾州府

汾河

府城東二十五里流經介休平遙二縣

萬谷河

府東北五十里西十里
為麻屈水灌漑得利

左水

孝義縣南二十里又西十五里為土京水合勝水
入汾又西北二十八里為板谷水入西八十里為

勝水又有白龍渠元象泊

源祠水

平遙縣東十五里又二十里為中都水三十里
為嬰潤水南二十八里為亭岡水北為侯甲水

原公水

出白彪山分引
既田三十餘畝

謝谷水

介休縣西南十里東二十里為石洞水又四十
五里為連山水東北二十里為鄒城泊東南二

十八里為洪山水俱賴溉田

遼州

漳水

源二合流入潞
州黎城縣界

武鄉水

和順縣西南來自武鄉
縣經榆次流入縣界

沁州

漳河 水有二一自伏牛山西谷發源經武鄉縣東南流入潞州界自古甲分水嶺下發源經武鄉縣東南流入潞州界

沁河 沁源縣城東源出綿山東谷流入平陽府岳陽縣界

青龍河 沁源縣東二十里源出青龍山西南流入沁河

涅水 武鄉縣西一百里源出獲甲嶺東流入漳河

澤州

蘆河 沁水縣西四十里源出鹿臺山西流至縣東十八里入沁河

沁河 沁水縣東五十里源出沁州沁源縣經岳陽縣東流至本縣南流經懷慶府界入黃河又有杏谷水

梅谷水俱入沁河

白水 州城南三里源出湖弘水東北三十里為丹水源出此仙山俱入沁河

蒲水 陵川縣西北二十里又東北四十里為浙水東南一百里為平田水

山東濟南府

海

濱州及利津霑化海豐三縣之地皆濱海

大清河

即濟水之故道自兗州府東北流經太府長清齊河歷城濟陽齊東武定青城濱蒲臺利津等

州縣界

入海

小清河

一名濰水即濟之南源東北經章丘鄒平新城縣界入海

清河

一名濰江源發章丘縣會仙山合百脉泉及東西二府濰泉西北匯為白雲湖北流入小清河

漯河

在章丘縣東北七里源出長白山西北流入小清河

孝婦河

在淄川縣西門外源出益都縣龍溪水合瀧萌二水北流經長山新城縣界入小清河

汶河

其源有三一發泰山之傍仙臺嶺一發萊蕪縣原山之陽一發萊蕪縣寨子村至泰安州靜封鎮合

馬名曰塹汶河西南流與徂徠山之陽小汶河合又西南流注洸河入濟按水經有五汶北汶嬴汶紫汶浯汶牟汶名雖有五而其流則同

五而其流則同

漕河

泰安州南五十里源發淳于野西南合本州濟河入汶

衛河

德州城西北經河間府界入海東南漕運商賈賓

旅與外夷朝貢皆由北

大明河

府西北隅其大占府城三之一

白雲河

章丘縣西北周二十里

耿家陂

長清縣西北三十里周二十里

普濟渠

萊蕪縣西北十五里唐令趙建盛開

兗州府

會通河

濟寧州南元開以通漕運自濟寧分水關至東昌府臨清開凡四百餘里本朝未築九年遣

大臣率民夫疏鑿惟于開河開至沙灣北故河道比徙幾二十餘里餘皆循故道自濟寧則引泗洩及沮係諸山谷水注之以達臨清會于衛河自金龍口者合之以達臨清會于衛河

雲河

府城東五里自曲阜縣馬港泉發源至本縣界入會通河

濟河

汶上縣北又名大清河

蓼河

鄒縣北三十里源發九龍山東南蓼溝西北為白馬河而入泗水

沙河

有二南沙河河南出滕縣東北連青山前南流入萍河北沙河源出本縣北龍山西流經魚臺縣界入

招湖

承治河

源發嶧縣西許家泉南流入邳州界

新開河

舊在平陰縣西十里即濟河之下流今汶上縣水朝正統八年鑿之以洩山谷諸水西

流入會通河

泗水

源發陪尾山四泉並出循泗水縣北八里始合為一西經曲阜縣貫府城下至濟寧分流南北南流

流入徐州境北入會通河

洙水

府城東北二十里

汶水

源發泰安州西南流至本府經寧陽平陰汶上縣界又西至東平州界注濟河故道東北流經東阿

縣界又東北至濟南府界入海

沂水

源發尼山之麓西流入泗水郛俗呼沂處

薛水

源發滕縣東高薛二山之間西南流入徐州郛縣界東十五里有梁水

黃水

源發其一東南流至徐州入泗其一東北流入會通河

河

汜水

乃漢高郛位處曹縣西南三十里

涑水

源發費縣天青江下流經沂州及郛城縣界又入郛州諸湖澤

祊水

源發大崖阜東南流經沂州郛城縣入郛州界

積水湖

東平州西十五里會通之南周百餘里正統三年於近河處置減水閘

南旺湖

汶上縣西南三十里湖闊數十里每歲引湖水入會通以濟其淺

滄浪淵

澤縣北孺子歌處
歲旱濤雨多應

梁山樂

東平州西宋
江為寇保此

東昌府

會通河

府城東南自兗州府陽穀縣入境北至臨
清入衛河本朝永樂九年疏鑿以通漕

衛河

紹陶縣西二里源自河南衛輝府輝縣
東北流至臨清與會通河合流入海

黃河

濮州東南六十里永樂九年疏通東北流入會通
河正統十三年決張秋鎮沙灣徑流入海景泰七

年始塞
後故道

漯河

高唐州西二
里濫涸不常

青州府

海

樂安縣東北一百五十
里去日照縣東五里

孝婦河

源出益都縣西婦顏文
妻孝姑孝泉湧成河

續文獻通考

卷之十一

平

晉全三唐

卷之十一

小清河

界流經本縣東入博興縣界合于時水

東西二丹河

東丹河源出昌樂縣西丹河源出臨朐縣皆合流至昌樂廢城西流壽光縣界入海

白狼河

出臨朐縣北流入海

南北二陽水

南陽經舊蓋都東陽兩城間東北流合瀾水北陽出九廻山東北流入樂安縣界為

泲水

淄水

府城西五十里源出泰安州萊蕪縣原山流達臨淄至壽光縣入濟

澠水

源出臨淄縣西中門之申池易牙所別

二岳龍水

東岳龍水出壽光縣西十二里西岳龍水出本縣西十六里分流入羅橋合而入海

瀕水

源出沂山至益都壽光縣界入海

汶水

源出沂山東麓流經本縣東南六十里入安丘縣界

維水

源出莒谷山東北達密

沂水源出雞尾山流經本縣南二里入沂州

登州府

海登州四面皆海惟西南一隅地接萊州府城北去海五里

原鹽河源發萊州府鹽山北流經招遠縣東北合東良平南二河入海

大河源發棲霞縣治南東流經福山縣界合清平河入海

五丈河源發寧海州西南六十里嘴山合潤谷諸水東北流入海

金水河一名沁水源發寧海州南八十五里黃堆嶺山溪潤會流東北經州治東五里許又東北流入海

密水源發府城南十里密神城北流入城與黑水會

泲水源發黃縣東南二十里北流合黃水入海

之罘水蓬萊縣南十五里源出羽山與石門水合

昌水

一名昌陽源發文登縣西南四十里昌山西南流經萊陽縣入海

萊州府

海

府城北九十里西北環昌邑濰縣界東南環膠州即墨縣界

掖河

源發府城東南寒同山西流經城西又西北流會南陽河入海

小沽河

源發府東南馬鞍山東南流經平度膠州即墨縣界入海

大沽河

源發登州府黃縣躑躅山南流經平度州與小沽合

白浪河

濰縣東源出嶺鼓山北入海

東丹河

源發塔山下流至壽光縣界復至木縣境東北入海

西丹河

經昌樂縣西下流合東升

濰水

自密州諸城縣界流入高密縣境經昌邑濰縣界東入北海

墨水

源發平度州墨山南流經膠州即墨縣界入海

膠水

源發鐵嶺山北過密州五弩山鹵水入焉又北過高密縣注瀋澤與張奴水合由澤北入新河經平

度州昌邑縣界入海

淮涉水

源發即墨縣石城山南流經縣治西一里許北流三里復西南入海

九穴泊

高密縣西北泊有九溝去縣二十五里

遼東都指揮使司

渤海

都司城南七百里海之傍出者為遼東延袤二千里其南皆臨渤海

太子河

即東梁河源出幹羅山西流五百里至都司城東北五里折而西南流至渾河合為小口會遼

海河入

渾河

源出塞外西南流至瀋陽衛合沙河又西南流至都司城西北入太子河

遼河

源出塞外三萬衛西北入境南流經鐵嶺瀋陽都司之西境廣寧之東境又南至海州衛西南入海

行一千二

百五十里

清河源發蓋州衛分水嶺西南流經城

珠子河源出廣寧衛東北一百里自雲山南流入遼河

大凌河源出大寧自義州衛西六十里入境南流經廣寧左右屯衛界入海

小凌河自廣寧左屯衛西入境合女兒河及哈刺河南流入海

大清河源出三萬衛東北分清水嶺南流經城東南十五里合小清河入遼河

六州河大寧建州等六州之水合流自廣寧前屯衛東北七十里入境南流至蛇山務入海

混同江源出長白山北流經五國城又北合松花江東注海

鴨綠江都司城東五百六十里即馬訾水出靺鞨之白山色若鴨頭故名西南流至安市入海

松花江源出長白山湖中北流經南京城合灰扒江至海西合混同江

南北通江源出海州衛東二十里滑石山自東而西橫遼河折而南流又折而東復入于遼其間

洲渚方十餘里可以耕稼

錦川

錦州城西

薩水

鴨綠江東平壤城西

兀良河

源出沙漠南流合洮兒河腦濕江入混同江東流入海

小山泉

在義州衛西北本朝征脫古思脫木兒次遊視南道無水軍士渴甚忽聞地中有聲如駭四

泉湧出流溢成溪先是上夢殿西北隅有

小山流泉直下至御足而止適與符焉